



Bou ons kinders vir môre

Sondagskool 3

Lestitel: Josef die redder

'n Ouerhandleiding

Sondagskooltuisonderrig



Liewe Ouer

Welkom by die les: “**Josef die redder**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Josef die redder
Bybelwoord	Genesis 41: 53-57 en Genesis 42
Lesdoelwit	Die kinders word geleer dat die Here sy beloftes nakom.

Lesopsomming:

- Farao, die koning van Egipte, het twee vreemde drome gehad. In die eerste droom sien hy sewe vet koeie uit die rivier kom en op die rivier se oewer wei. Toe kom sewe maer en lelke koeie uit die rivier en vreet die sewe vet koeie op, maar hulle bly maer en lelik. In die tweede droom sien hy sewe koringare uit een steel groei; hulle was vol en ryp. Sewe maer koringare het gegroei en die volle are geëet, maar hulle het maer gebly.
- Niemand in Egipte kon hierdie drome uitlê nie, maar dan onthou Farao se hoofskinker vir Josef in die gevangenis en vertel Farao van hom.
- Toe Josef sy drome hoor, het God die betekenis aan hom geopenbaar. Josef sê vir Farao: "Albei drome het dieselfde betekenis. Die sewe vet koeie en volle koringare dui op sewe jaar van goeie oeste in u land en die sewe maer koeie en maer koringare dui op sewe jaar van droogte en hongersnood. Dit sal in die nabye toekoms gebeur."
- Omdat Josef die drome geïnterpreteer het, kon Egipte voorberei en het hulle genoeg kos geberg om hulle deur die droogte te hou. Farao het Josef in beheer van hierdie proses gestel en baie mense uit ander lande het na Egipte gekom om graan en voedsel by hom te koop.
- Jakob het ook sy seuns na Egipte gestuur om graan te gaan koop.
- Toe die broers Egipte bereik, word hulle na 'n baie belangrike en vooraanstaande man gebring. Hulle buig voor hom neer en Josef se eerste droom, waarvolgens sy broers se koringgerwe voor sy gerf buig, word waar.
- Josef herken sy broers, maar vertel hulle nie wie hy is nie. Hy vra waar hulle vandaan kom. Toe hulle antwoord, beskuldig hy hulle daarvan dat hulle spioene is. Hulle vertel hom dat hulle twaalf broers was, dat hulle vader Jakob is, dat hul jongste broer Benjamin by die huis is en dat een broer verdwyn het. Joseph sê weer dat hulle spioene is en sluit hulle toe.
- Drie dae later word hulle voor Josef gebring. Hy sê dat as hulle aan die lewe wil bly, hulle die graan huistoe moet neem. Een persoon sal as gyselaar agterbly, maar hulle moet weer



saam met hul jongste broer terugkeer. Simeon bly agter. Josef moet sy trane wegsteek dat sy broers dit nie sien nie.

- Op pad terug ontdek die broers dat die sakke graan ook die geld bevat wat hulle vir die graan betaal het. Hulle was baie verward.
- Wanneer hulle vir Jakob vertel wat gebeur het, wil hy Benjamin nie saam met hulle terugstuur nie.
- Die broers probeer hul bes om hul pa te oortuig. Ons sal sien of hulle volgende week daarin slaag.

Wat beteken hierdie les vandag vir ons?

- God het al die drome vervul - selfs die droom van die broers wat voor Josef buig.
- God kom altyd sy beloftes na - ons moet op Hom vertrou.
- Josef het sy broers heeltemal vergewe en het altyd vertrou dat God met hom is. Hy het geweet dat God sy beloftes sal nakom.
- Ons moet ook in moeilike tye op God vertrou. God het ons lief en Hy is altyd by ons. God het groot planne vir ons en bly by sy beloftes. Vertrou net op Hom.

Sommige vrae wat ons kan vra:

1. Waaroor het Josef se eerste droom gegaan?

Antwoord: Die gerwe wat deur sy broers vasgebind is, het voor Josef se gerf gebuig

2. Hoe is hierdie droom deur God vervul?

Antwoord: Josephs se broers het voor hom gebuig toe hulle graan wou koop

3. Wat het Josef vir sy broers gevra om te doen?

Antwoord: Om die graan huistoe te neem en saam met hul jongste broer terug te kom

4. Wat het Jakob gedoen toe hy dit hoor?

Antwoord: Hy het geweier dat Benjamin saamgaan



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.